

Palm Beach Plaza ta programa pa habri den zomer



PALM Beach Plaza awo ta bao construccion riba na boulevard, net pabao di Marriott Surf Club, y tabata un soño pa bira realidad desde 2007, ora 15.000 m2 di restaurant di alta calidad, tienda y entretenimento a cuminsa cu construccion.

"E compleho," segun gerente di e Mall, Alex Otterspeer, "ta e mall mas grandi den e parti sur di Caribe; el a wordo concebi como un centro di entretenimento familiar di henter dia,

ofreciendo un abundancia di actividad na bishitantenan di nos isla y hendenan local, di tur edad". Crea pa Landy NV, cu director gerente Muller Solognier, como un cooperacion di tres desaroyador local bon estableci, e mall multi-piso a atrae un gran cantidad di cliente prestigioso cu ta ansioso pa muda pa e curazon di Palm Beach, denter di un distancia cortico di tur e hotelnan high-rise.

E piso abao y e di dos piso lo

acomoda tiendanan di renombre como tambe un Mega Plez, cu ta un teatro di cine luhoso di 8 sala, cu un diseño ultra moderno.

E di tres piso di e mall lo ta cas di e 'food court,' ofreciendo un coleccion di cuminda global directamente banda di un area dedica completamente na muchanan. Cu nan muchanan entreteni, mayornan lo por disfruta di servicjonan diverso incluyendo un Day Spa, servicjonan di comunicacion y mini mercado.

E restaurantnan cu lo habri den e mall di Palm Beach lo ofrece

un gran variedad di specialidad. E diseño unico di e mall ta invita Aruba su famoso brisa pa drenta, y e uso extensivo di bentana di glas ta ubica Palm Beach Mall den e paisahe local, permitiendo un sentido di espacio habri y di biento cu no conoce restriccion y ta invita tur hende pa disfruta di dje.

Adicionalmente, Palm Beach Mall lo ofrece 354 espacio di parkeo riba e piso mas abou cu ta facilmente accesibel, y camindanan di cana bunita ilumina pa y di e diferente hotelnan.

Indra Stamper, coordinando e promocion pa e compleho, ta

raporta cu e mescla di 60 cliente di clase halto lo presenta un gran cantidad di variedad durante oranan extendi di operacion, haciendo Palm Beach Plaza un destinacion anticipa di alta clase, prepara pa sirbi hendenan local y bishitantenan pa e fin di zomer venidero.

Ash Ramchandani ta declara na nomber di Landy NV, cu un inversion di cincuenta miyon florin, Palm Beach Mall

ta representa e prome fase di desaroyo, cu un propiedad di hotel, condominio y spa planea banda di e compleho, riba e otro tereno di 15,000 m2, cual ta planea pa futuro, despues cu e conceptualisacion estetico di e plannan pa e sitio ya caba a cuminsa.

AWEMainta****
a concept of AWE

Nos e-mail:

noticia@awemainta.com

Tel: 583-1400

Fax: 583-1444